

廣  
西  
名  
勝  
志

廣西名勝志卷之九

閩中曹學佺能始撰

右江土司

南丹州 東蘭州 那地州 忻城縣 永順長

官司 未定長官司 已上慶遠府轄

鎮安府 湖潤寨 田州 上林縣 何武州

富勞縣 奉議州 泗城州 歸順州 安隆長

官司 上林長官司 上腴岡 思恩九司 已

上直隸布政司

南丹州在慶遠府城西一百四十里東抵河池界

西抵貴州豐寧長官司南抵那地界北抵荔波界  
其山曰長春山曰三寶山曰金鷄山曰孟英山其  
川曰青雲溪紅盆江其產銀錫古蠻峒地也唐爲  
羈縻州宋開寶初土官莫洪贊內附元豐三年立  
爲南丹州管轄諸蠻大觀元年廣西經畧使王  
祖道欲急邀功殺土官莫公佖改南丹爲觀州公  
佖弟公晟密圖報復焚寶積監尋廢觀州以公晟  
知南丹州兼谿峒都巡簡使歷世承襲元至正末  
莫國麒獻圖納土命爲慶遠南丹谿峒安撫使大  
德二年改慶遠路總管府爲軍民安撫司我 洪

武初募金以上地內附授知州世襲以流官吏目  
佐之仍隸慶遠府金復叛詔征南將軍左都督楊  
文率師討平之因廢州置南丹衛後以其地多瘴  
遷之賓州既而夷民作亂復置州以金子莫祿爲  
知州撫治之永樂十五年有以孟英山開礦爲言  
遣內臣督其事歲不過九十六金旋變錫遂罷○  
吳讓字克讓南海人景泰中進士授廣西臨桂縣  
知縣以清慎知名天順己卯陞慶遠府知府作縣  
未三年陞府前此未有也慶遠所轄三州皆土官  
各餽白金三百兩爲賀儀讓却不受南丹知州莫

必善信前數致懇讓口占絕句遺之曰貪泉奚酌  
吾何敢暮夜懷金豈不知寄語丹州賢太守元封  
回贈莫相疑右見黃佐廣州府志

東蘭州在府城西南四百二十里東抵永順司界  
西抵泗城界南抵田州界北抵那地界其山曰五  
象山青雲山勝山福山伐山三佛山雙鳳山幽洞  
山其川曰隘洞江九曲水銀海池古百粵地唐爲  
驛糜州隸邕州都督府宋有帝君朝者居文蘭峒  
爲土夷長依綏南砦家焉傳子宴閑崇寧五年內  
附因置蘭州以宴閑知州事俾世其官元改爲東

蘭州韋氏世襲如故我 洪武十二年韋富橈遣  
其家人韋錢保詣闕上故元所授印貢方物錢保  
匿富橈名以爲已物因以保知東蘭州旣而保微  
懇急民不堪命借富橈作亂廣西都司討平之因  
言其故於是執錢保罪之以州隸慶遠府仍歸韋  
氏世襲

那地州在府城西南二百四十里東抵河池界西  
抵泗城界南抵東蘭界北抵南丹界其山曰虎山  
馬山屏風山感現山紅山懷峽嶺暮曉嶺其川曰  
烏泥江龍泉江古百粵地唐爲谿峒之地名曰那

地宋熙寧初土人羅世念來降因授官世襲崇寧  
五年諸蠻納土遂置地那二州以羅氏世知地州  
大觀初析地州建隆縣置孚州宣和中孚州廢元  
仍爲地那二州其酋長世脩常貢洪武元年羅黃  
貌歸附詔省那入地改爲那地州錫印授黃貌爲  
土官世襲知州以流官吏目佐之

忻城縣在府南一百四十里東抵馬平界西抵永  
順界南抵賓州界北抵宜山界其山曰龍塘山疊  
石山張帽山其川曰烏泥江龍塘江古百粵地唐  
置芝州天寶初脩綜歸思忻芝五州改爲忻城郡

屬顧南道後復爲之州宋慶曆間廢因置忻城縣  
改隸宜州元仍舊以土官莫保爲八仙屯千戶我  
洪武初設流官知縣罷管兵官籍其屯兵爲民莫  
氏遂徙居忻城界宣正以後徭徭狂悖知縣蘓寬  
不事事而徭老韋公恭等舉莫保之玄孫敬誠爲  
土官寬爲申監司具奏授敬誠世襲知縣時一邑  
二令權不相統流官徒擁虛名耳繼寬者益不能  
振諸錢穀甲兵盡入土官掌握流官知縣恒佩印  
旒居府城弘治間總督鄧廷瓚奏革流官而土人  
韋消爲內監官用事陰主之始獨任土官



永順司在府城西南六十里舊爲宜山縣古陽述  
昆等鄉永泰外里吉利中里夷江端簡緣河思農  
等里之地○未定司在府城東南八十里舊爲宜  
山縣歸善洛三等鄉洛南洛富洛東路西下里及  
莫往峒洛分路一都博等里之地正統六年因蠻  
夷弗靖司土者莫能控禦老人黃祖記與思恩土  
官岑瑛交結謀割地歸之思恩因謀于知縣朱斌  
備時瑛方雄兩江大將多右之斌僭亦欲藉以自  
固遂爲具奏將地改撥岑瑛管轄土人嘍嘍不服  
韋萬秀以復地爲名因而倡亂成化二十二年覃

召官等復亂屢征不靖弘治間安官撫之各賊願  
取前地別立長官司以治都御史鄧廷瓚爲奏置  
永順永定二司各設長官一副長官一以鄧文茂  
彭訪韋槐韋朝和等授之亦皆宜山洛日洛東諸  
里人也自是宜山東南棄一百八十四村地宜山  
西南棄一百二十四村地○蘓濬論曰我國家  
川夏變夷窮髮之地舉爲編戶乃承平以來宜州  
廣輪日陵月削此何以故則計失於恒怯而禍成  
於陵夷也忻城自唐宋已屬內地而涵濡于國家  
衣冠禮樂之化者逾百餘載一旦慌於邪說裂冠

發見棄赤子而驅之從禽當事者啓戎心矣述昆  
莫往諸鄉距郡城數十里而近乃不能固其圉而  
舉三百餘村之內地界之長官司棄腹心以資敵  
縱虎狼於堂廡非熟計也蘓寬朱斌備白首書生  
計無復之不足苛責督臣陳謨樞臣臬策國是所  
資良非細故亦忍舉 祖宗之土地置之若輕舟  
飄瓦何以責中涓耶此風一熾効者相踵自莫楊  
之侵我茆灘也而思恩削自莫之厚之熒我董界  
也而荔波削自東蘭之侵我三旺那地之占我中  
下也而河池益削司土者日以上聞至下詔書切

責而狼心未厭鸛鷲猶故今日剽一聚明日寇一村我不能保其嬰兒而彼且畜之爲廝養卒日復一日其不渝背於夷者無幾矣夫變夷之與變於夷也可同日道哉詩曰我先公曰辟國百里今也蹙國百里古今盛衰之感策宜事者有遐思矣

直隸土司

鎮安府古百粵地東抵向武界西抵交趾界南抵都康界北抵奉議界漢屬交趾郡宋於鎮安峒建右江鎮安軍民宣撫司元改鎮安路 明興洪武二年以舊治僻遠移建廢陳州改爲府其山曰雲

山邑筆山雷高嶺感馱巖其川曰馱命江授土岑  
天保知府設流官首領佐之天保死志綱襲洪武  
三十五年何武知州黃世鐵侵奪高寨等地督府  
遣兵夷之以其地屬鎮安○上映峒元爲州屬鎮  
安路 國初爲峒隸鎮安府土官許朝卿管峒事  
今許尚患襲○湖潤寨巡簡司始祖岑元全屬鎮  
安府傳至岑穩隆慶三年調征廣東陳亡子壽松  
承襲○論曰鎮安僻在諸洞上霧下潦與群獠亡  
異其改路稱郡徙建今治自我 明始聞其山有  
盤石巖石大如盤故稱宏觀蓮花之塘四時不涸

洞多泉流田仰溉灌爬沙穿竹而紆迴自潤曾無  
舉棹之勞迺郡人田事之外無日不陵山阪涉澗  
數射飛逐走以相娛快地饒人衆亦足雄諸部落  
矣

歸順州舊爲峒隸鎮安府永樂間鎮安知府岑志  
綱分其第二子岑永福領峒事傳子瑛屢率兵報  
效都御史鄧廷瓚奏歸順峒舊爲州治洪武初裁  
革今其峒主岑瑛每効勞于官乞設州治授以土  
官知州從之仍增設流官吏目一員瑛死子璋襲  
復從璋奏以州改隸布政司璋多智畧田州土官

岑猛以不法獲譴都御史姚鏌將舉兵璋猛婦翁  
也督府慮璋黨猛召都指揮沈希儀問計希儀雅  
知璋女失寵恨猛因請假旬日部下千戶趙臣雅  
善璋希儀召趙臣以計給之璋強臣畱傳舍而亟  
遣人馳希儀所備陳猛反狀恐波及願設計自效  
希儀許之猛子邦彥守土堯隘璋佯遣兵千人助  
邦彥曰聞天兵至將以姻黨誅我今日義同死不  
忍坐視此皆精兵可當一面者邦彥欣納之璋復  
遣人潛告希儀曰謹以千人內應矣時田州兵殊  
死守戰諸將軍莫利當隘者希儀獨引兵當之約

戰三合歸順兵大呼曰敗矣田州兵驚潰希儀麾  
兵乘之斬首數千級邦彥死焉猛聞敗欲自經而  
璋先已築別館使人請猛時猛倉皇不知所度遂  
挺身佩印從璋使走歸順璋詭猛爲猛草奏促猛  
出印實封之璋既知猛印所在乃鴆殺猛斬其首  
并府印函之間道馳請軍門爲讒言所阻竟不論  
功璋死坎子嶽襲璫從征黎賊卒于軍

田州土官岑氏自以爲漢武陰侯岑彭後不知所  
致其地東抵南寧界西抵泗城界南抵奉議界北  
抵東蘭界漢屬交趾唐隸邕州宋始置田州屬邕



州橫山寨元置田州路軍民總管府 明興改爲  
田州府省來安府入焉其山曰芭野山橫山其川  
曰石江萬洞溪洪武元年土官岑伯顏以二路歸  
附因錫之印世襲伯顏死于堅襲數傳至溥弘治  
三年思城州土官岑欽泗城州土官岑應攻攸田  
州共逐之都御史秦紘逐欽以溥歸府溥二千長  
獠次猛獠以失愛殺溥土目黃驥李蠻共殺獠猛  
方四歲驥護之赴梧州告襲歸至南寧李蠻遣兵  
來迎驥恐蠻分已權殺其人蠻率兵繼至驥誣蠻  
爲變請官護送乃檄思恩知府岑濬以兵衛猛濬

方豪舉驥賂濬挾猛分地界驥北至田州李繼拒  
不納驥復以猛介思恩十一年都御史鄧廷瓚檄  
濬歸猛濬不從尋以兵徵之濬始釋猛督府納之  
田州與濬構鬬濬集泗城東蘭州兵陷田州猛走  
免都御史濬審討濬誅之改流官降猛福建平海  
千戶以叅政謝湖掌田州府事猛遷延不行及湖  
至陳兵自衛挾改府佐湖受餽代請都御史陳金  
劾之下錦衣逮湖正德初猛賂太監劉瑾矯詔以  
猛爲田州府同知湖僅降職猛撫遺民兵威復振  
稍侵旁郡自廣復興軍功序遷知府爲重乃言

督府征譚顯先鋒而督府旗校至田州者猛率厚賂結驩與猛者籍甚會江西華林峒賊反都御史陳金檄猛從征猛兵沿途剽掠民皆徙村避之爲之謠曰華林賊來亦得土兵來死不測黃狐跳梁白狐立十家九家選衆棘頃之賊平金疏猛功稍遷指揮同知猛復恃其兵力凌轢諸峒十三年襲龍州十六年襲泗城州殺土官岑接自是輕視中國糧餉不供嘉靖初思恩府頭目劉召叛叅將李璋調猛合攻猛子邦彥逗遛後期以致兵敗遂有譚言都御史盛應韶待此伺猛重厚其賞猛願出

不遵語應期惠恨疏猛且喜必反狀請征之未報  
應期去都御史姚鏐代之鏐雖知猛無反心而鏐  
子深亦以書諫請勿征時巡按謝汝儀與鏐有隙  
廉得深書誣深納猛萬金鏐皇恐乃再請征猛遂  
發兵八萬分道並進猛長子邦彥守土堯隘指揮  
沈希儀擊斬之諸軍繼入猛懼謀出奔而歸順知  
州岑璋猛婦翁也其女失愛屏居璋欲藉此報猛  
乃誘猛走歸順燭殺之先是猛三子邦彥敗死邦  
佐出後其族武靖知州邦相亡走邦彥側室子芝  
祿匿民間姚鏐見岑氏卑弱計田州可遂滅乃陳

盧蘓糾思恩土  
官治田州從之未幾上召盧蘓糾思恩土  
日上愛之挾邦相反兩江省震御史石金劾鏤罔  
上寡謀利圖田州不可得弁思恩失之上大怒  
鏤落職起王守仁總制軍務守仁至蒼梧時諸  
勇聞光澤皆股栗聽命而守仁顧益韜晦以明年  
至南寧使人約降蘓愛許諾而以精兵二千自衛  
守仁所愛指揮王佐門客岑伯使人言蘓愛以萬  
金丐命蘓愛大恚守仁侍兒知佐等謀夜告守仁  
守仁達旦不寐使人語蘓愛毋信纔言蘓愛疑懼  
未決言來見時必陳兵衛守仁許之蘓愛復言軍

門左右祇候須盡易以田州人守仁又許之蘓受  
入軍門守仁數之論械一百蘓受不免甲而受之  
杖杖人又田州人也諸夷皆驚莫測守仁意守仁  
乃上疏言岑氏世効邊功猛獨註誤觸法雖未伏  
誅聞已病死治田州非岑氏不可請降田州府爲  
州治以岑邦相爲判官分設土巡簡以盧蘓等爲  
之以殺其勢添設田寧府統以流官知府以總其  
權守仁薨都御史林富及其政上言田州不必再  
設府治以騷遠夷朝議許之以岑邦相爲判官分  
設十八土巡簡可以張佑克副總兵鎮其地○論

口田州改流者再而終不能有也正德之季政以  
賄成不得則激以釀亂得則散以市恩謝湖戎首  
令宵人得從中制太阿固已倒持矣新建晚年厭  
兵撫逆酋而侈其勲伐豈馭夷宜爾耶田寧之設  
竟不克終議者謂林故與王左噫事固未易言也  
岑氏世有田州而猛不能守至失其宗祧越在草  
莽吾中國不推亡繼絕乃欲與思恩並殄之其何  
以服諸酋當其時岑氏之宗尙熾十八司之勢未  
分當事者能無却顧哉余所恨者盧蘇再叛弑主  
神人胥怒而竟縱不問則前日之姑息爲之階耳

天下事如持衡然宜輕而重之宜重而輕之任事之難即豪傑且無以自解他又何責哉按蘓紫溪此論寔與炎微細聞相發明

思城州唐時置宋元仍舊明興因之土官知州岑欽與田州土官岑溥同宗弘治間岑溥被頭目黃明所逼逃之思恩府欽會兵討之誅黃明并其族屬後溥與欽交惡欽攻奪田州府逐岑溥殺五十餘家督臣委官送溥子獮入府復爲欽所遏都御史秦紘檄兵攻之欽走遣官諭之欽死孫桂佩襲弘治末思恩府知府岑濬亂攻田州桂佩投於



唐西谷州今屬武靖州  
唐被誅印失今無襲地爲田州所併

上林縣在田州東三百八十里宋置隸橫山寨元

屬田州路 明興因焉洪武二年土官黃嵩歸附

授世襲知縣以流官典史佐之嵩死子伯慶襲

上隆州在田州城北八十里宋隸橫山寨元屬田

州路洪武初以知縣岑末通管州事成化間移置

### 武靖州

泗城州東抵東蘭界西抵上林長官司界南抵田

州界北抵永寧州漢屬交趾郡宋置泗城州隸橫

山寨元屬田州路其山曰迎暉山餞陽山凌雲山

其川曰澄碧水襲淵水漢武初上官岑善忠歸附  
授世襲知州以流官吏目佐之改隸布政司自宣  
德七年岑豹襲職桀驁亡狀迫逐程縣流官知縣  
與上林長官司及田州土司相仇殺無已時亦互  
有勝敗云○論曰泗城廣輪延袤兵力亦勁與慶  
遠諸州互相雄長然其不善之積且世世矣豹之  
後有應也應之後有接也至躡田州吞長官甚者  
以國家之璽章牧伯任其逼且奪而莫之誰何  
天幸之鑒宜其及已今程縣已廢故址尚存華失  
其鹿夷競逐之其何震之有聞程之距宜山稍邇

館距泗城甚遠 國初改隸慶遠良非無謂有能  
舉洪武間故事覈其疆界今入慶郡版圖蠢茲醜  
夷誰敢睥睨其間哉惜不然矣

安隆長官司東抵泗城界西抵雲南界南抵上林  
長官司界北抵貴州宣尉司界漢屬交趾郡元爲  
泗城州地 國朝永樂間置長官司以泗城州土  
官岑善忠次子子德授長官撫其夷民

上林長官司東北俱抵泗城界西抵安隆長官司  
界南抵雲南界漢屬交趾郡宋元號上林峒屬泗  
城州明興因焉其山曰晚稼山累峯嶺永樂間置

長官司以泗城州土官岑善忠三子子成爲長官  
撫其夷民程縣在州城東北舊號程丑莊其山曰  
圓顧山藩籬山其水曰布柳水 明興歸附隸泗  
城州洪武二十一年改爲縣編戶一里後改屬慶  
遠府尋復隸泗城州改流官知縣正統間爲岑豹  
所逼棄官遁去典史攝印旋亦懼害豹遂奪其印  
吞併縣治事聞屢遣官督之歷岑應岑接父子凡  
七十餘年不服嘉靖元年接爲諸州土官攻殺督  
府遣官按問徵縣印貯於公帑以俟處分今僅存  
荒土泗城南丹那地俱欲爭之時治兵相攻云

奉議州東西北俱抵田州界南抵鎮安界漢屬交趾宋置州初屬靜江軍節度使後屬廣西經畧安撫司元屬廣西兩江道宣慰司洪武五年省入來安府七年復置其山曰石門山呷沙山其川曰石江流至南寧與左江合○論曰奉議一彈丸耳三面交迫田州南界鎮安其勢甚蹙顧置衛銓官時而罷時而設豈非欲中斷田鎮以伐其謀耶夫以萑爾一隅控二雄邦非藉內地無以爲重故直隸藩封如宋元故事非無意也今土官殄世判官掌其事者百餘年豈一尺組能制夷人之命官則漢

常制則夷制因俗而理易安耳夫以華治夷至  
數更牧守而未定以夷治夷卽一判官而有餘此  
亦制馭之衡也

向武州東北抵田州界西抵鎮安界南抵鎮遠州  
界漢屬交趾宋置州隸橫山寨元隸田州路其山  
曰馬鞍山武城出其川曰枯榕江入于右江洪武  
二年土官黃志威歸附授世襲知州○富勞縣在  
州北三十里元置隸向武州 明興洪武間爲蠻  
獠所據三十五年後置仍隸向武州永樂初省武  
林入焉其山曰塘濱山坡州山

鄒康州東南抵龍英界西抵鎮安界北抵何武界  
其山曰邕望山其川曰邕爐江漢屬交趾宋置州  
緣橫山寨元屬田州路以土官馮姓者爲酋長洪  
武初夷獠作亂據州馮原保出奔尋撫還其子進  
福以安集民後置州以進福子斌世襲知州設流  
官吏目焉○思恩府九司嘉靖六年新建伯王守  
仁撫叛月旣平思恩議設九司巡簡以分領之○  
興隆司在府北六十里巡簡常貴嘉靖七年授冠  
帶理司事其地視諸司獨廣○那馬司在府北五  
十里巡簡蘓關嘉靖七年授職關故絕以白山司

自黃理署司事理故子黃陽山府學廩膳生

征南贛功陞授指揮僉事叻故子如金襲如金告

休子中通山府學生員襲○白山司在府北六十

里巡簡王受故爲思恩亂西新建伯曲貸之且受

以職及其子孫○定羅司在府西一百三十里巡

簡徐吾嘉靖七年授職○舊城司在府西北一百

五十里巡簡黃石嘉靖七年授職○下旺司在府

東北七十里巡簡常文明嘉靖七年授職○安定

司在府東北三百二十里巡簡潘良嘉靖七年授

職○都陽司在府西北一百五十里巡簡王畱嘉



嘉靖十七年授職出故絕以頭目黃羅者司事○古零  
司在府東八十里巡檢覃益嘉靖十七年授職益故  
子文顯由府庠生襲文顯告休子桂由府庠生紹  
例授副千戶未襲子大欽襲攝司事

廣西名勝志卷之十

閩中曹學佺能始撰

左江土司

潯州府轄 武靖州舊爲上隆州

南寧府轄 歸德州 果化州 下雷州 忠州

太平府轄 太平州 思城州 安平州 萬承

州 上下東州 鎮遠州 都結州 全茗州

茗盈州 思同州 龍英州 結安州 佶倫州

思明州 羅陽縣 陀陵縣

直隸布政司 思明府 下石西州 江州 羅

利州 思陵州 龍州 憑祥州

武靖州在潯州府城西二十五里地名碧灘成化三年總督韓雍以其地爲藤峽要害立州治時上隆州士官岑鐸犯大辟下獄奏宥其罪遷其部兵二千人世掌武靖州事設流官吏目一員尋復移置崇姜大宣二里間爲蓼水北岸乃紫荊竹踏梅嶺大冲諸田要路也地廣土沃袤連大同鵬化足以控制諸蠻岑鐸死子玘無嗣部兵漸散正德十六年議以田州府岑猛次子邦佐繼之時僅有部兵五十人嘉靖五年猛亂安置邦佐漳州七年總

督王守仁奏言：「臣所奏後，邦佐知州事，邦佐益無忌憚，占骨狼家爲部落，以誑賊，慫恿諸猺攻陷營壘，目兵死者二百餘人。時左副使翁萬達叅議田汝成言之，督府數邦佐諸罪狀，謂宜逮治，削職以武靖州改爲武靖千戶，所推賢能軍職一人掌管以平南、桂平、貴縣三縣狼家屬之提調，編爲保甲，其於計便。督府不從。按今邦佐之嗣已絕，潯州府通判權知州事，狼兵歸之桂平、平南、貴縣三縣俱如出一公議。」

梧州在南寧府城西二百五十里，東西北三面

俱抵思恩界南抵隆安界宋熙寧中置隸邕州元  
屬田州路洪武二年土官黃陞城歸附授知州以  
流官吏目佐之

果化州在府城西北四百餘里東抵隆安界西抵  
上林界南抵太平界北抵思恩界宋始開置果化  
州隸邕州元屬田州路洪武二年土官趙榮歸附  
授世襲知州以流官吏目佐之按已上二州俱弘  
治間爲田州所侵隸因改隸南寧

忠州在府極西宋建隸邕州元屬思明路明興因  
之土官黃姓其先江州之族有黃威慶者率子中

謹歸附授威慶江州中謹忠州各世襲知州設流  
官同知吏目佐之數傳至黃賢相先是有四峒者  
介于南寧思明忠江兩州之間思明忠州屢肆占  
奪嘉靖間副使翁萬達議改峒名四都隸南寧地  
方稍定隆慶三年冬思明府土官黃承祖奏取四  
都地賢相遂爭之檀立總管諸名目分兵數千戍  
守因縱令剽掠村落爲禍甚烈僉事譚惟鼎謀之  
方伯郭應聘應聘曰是可間取也永康縣典史李  
材有謀畧時署遷隆寨巡簡隣忠州惟鼎屬之  
以寨人覃惠內及材子夢辰潛入州中數往來質

嘉善等兵親近狀態懸重賞間之其部下頭目傲思  
蒙裕輩苦賢相臣願內應惟鼎密爲手書諭二十  
四村及四寨頭目程秀等令號召鄉兵擒獻賢相  
並所積金穀器物悉聽自取而遷隆峒土官黃  
一元者素善賢相惟鼎度賢相必求救一元責之  
元謹計既定惟鼎令材等集兵三千有奇擁迫近  
地內兵遙望之以爲官兵至爭取財寶馬匹四散  
遁去賢相勢窮挈印奔四寨四寨村老就賢相謂  
曰官家逮王甚急當詣官聽理賢歔歔泣下自取  
孔雀血入酒飲不死材督諸鄉兵追至會館一元

并亦至遂擒賢相及州印以督備指揮吳世勳鎮  
四都都民復業如故賢相斃于獄議設流官不果  
督府奏以州屬南寧今州印給賢相子有瀚襲

下雷州在郡極西東抵龍英界西抵交趾界南抵  
安平界北抵湖潤寨宋元爲下雷州 明興印失

廢州爲峒在湖潤寨屬鎮安府至峒長許永通調  
征有功始給冠帶傳許世烈許國仁繼襲峒事嘉  
靖十四年得獲舊印國仁子宗蔭襲宗蔭父子屢  
立戰功四十二年改屬南寧府宗蔭死子應珪襲  
萬曆十八年以地逼交南奏陛下雷州降印授應



陝西通志卷之十  
地理上判官設流官吏目佐之

太平州在太平府治西北八十里東抵左州界南  
抵崇善界西抵安平界北抵養利界舊名瓠陽爲  
西原農峒地唐爲波州地宋置州隸太平寨元隸  
太平路我明因焉其山則坡高龍蟠板棧巖傍  
其水則有邏水隴水教水皆入左江洪武元年土  
官李以忠納土歸附授本州知州設流官吏目佐  
之

思城州在府治西北一百里東抵養利界南抵太  
平界西抵安平界北抵下雷州界亦西原農峒地

也唐置州隸邕州宋分爲上思城下思城二州隸  
太平寨元至正間仍併爲一州 明興因爲其山  
有邕白山龍級山隴馬山寶眉山弄隈山其川曰  
流水入于左江洪武元年州酋長趙雄傑歸附授  
世襲知州以流官吏目佐之

安平州在府治西北一百里西抵龍州界東抵思  
城界南抵太平界北抵交趾界舊名安山爲西原  
農嗣地唐置波州宋皇祐間析爲安平州隸太平  
寨元隸太平路 明興因爲其山曰顯山星山養  
山帽山其川曰大水小水合流入于左江洪武初

土官李郭祐歸附授世襲知州以流官吏目佐之  
萬承州在府治東北一百五十里東抵義利界西  
抵龍英界南抵思同界北抵陀陵界舊名萬陽爲  
唐置萬承萬形二州隸邕州宋省萬形入焉隸太  
平寨元隸太平路我朝因之其山曰馬安山香  
壽山連山武安峒其川曰綠降水布黎水合流入  
于左江洪武初土官許郭安歸附授世襲知州流  
官吏目佐之永樂間征交趾死于軍子永誠襲  
上下凍州在府治西二百二十里東北抵龍州界  
西南抵交趾界舊名凍江宋置凍州隸太平寨元

上流平東二州隸太平路尋合爲一隸龍州

龍州府其山曰青連出八峯山拱嶺山其川曰大源水流入左江洪武元年土官趙帖從歸附錫印授世襲知州以流官吏目佐之帖從死子福瑤襲永樂四年征交趾死于軍

鎮遠州在府治東北二百八十里東抵侏倫界西抵伺武界南抵結安界北抵果化界舊名古隴宋置州隸邕州元隸太平路明興因焉其山曰筆架山天馬山洪武初土官趙勝昌歸附授世襲知州以流官吏目佐之

都結州在府治東北三百三十里土官農姓洪武  
初內附授世襲知州設流官佐貳與鎮遠等州例  
同

全茗州在府治北一百六十里東抵茗盈界西抵  
龍英界南抵龍州界北抵萬承界舊名連岡爲西  
原地宋置隸邑州元隸太平路 明興因焉其山  
曰端坐山獅子山其川曰澗水入于左江洪武初  
土官李添慶歸附授知州以流官吏目佐之

茗盈州在府治北一百六十里西抵全茗界南抵  
養利界東抵萬承界宋置隸邕州元隸太平路

明興因焉其山曰帽山獅山其川曰澗水入于左  
江洪武初土官李鐵釘歸附授世襲知州以流官  
吏目佐之

思同州在府治東二百里東南抵羅陽界西抵萬  
承界北抵永康界舊名永寧爲西原地唐置隸邕  
州宋隸太平寨隸太平路 明興因焉其山曰明  
山中有巖相通曰敦厚山馬鞍山金星山壽桃峯  
又曰賴笏峯以其形似笏云其川曰綠零水入于  
左江洪武元年黃克嗣歸附授世襲知州以流官  
吏目佐之

龍英州在府治北二百一十里東抵養利界西抵上興峒界南抵交趾界北抵向武界舊名英山宋爲峒元爲州隸太平路 明興因爲其山曰筆架山嚴直其川曰通利江源有三合流入左江洪武元年土官李世賢歸附授世襲知州割上懷州地入其版圖以流官吏目佐之

結安州在府治東北二百二十里東抵都結界西抵鎮遠界南抵龍英界北抵信倫界舊名營周爲西原農峒地宋置結安峒隸太平寨元改爲州隸太平路 明興因爲其山曰石人山石牛山其川

三平水流入左江洪武元年土官張仕榮歸附授  
知州以流官吏目佐之

信倫州在府治東北二百三十里東抵都結界西  
南抵結安界北抵鎮遠界舊名那堯爲西原農峒  
地方置安峒隸太平寨元建爲州隸太平路明  
興因爲其山曰倚坐山其川曰哂卑水流入左江  
洪武元年峒長馬萬傑歸附授世襲知州流官吏  
目佐之

思明州東抵思明府西抵交趾界南抵西平州界  
北抵龍英州界宋置州屬太平寨元屬思明路其



山曰逐家山其川曰太子泉土官黃姓與思明府  
同族洪武黃鈞壽歸附授世襲知州屬思明府後  
因黃竑燦亂改屬太平○論曰黃竑神姦也身遭  
大盤世濟其兇而傳及四世猶併思明州而有  
王法幾以不振矣阿失其柄馭委其衝甚者爲其  
餌而陰庇其私尚可謂中國有人乎承祖雖有罪  
然思明州故其屬也爭地以戰上下相夷乃削土  
官之地界其爭奪之下邑體統已紊彼安能俛首  
而甘心者始謀不慎反以釀爭悲夫竑事詳思明  
府下

羅陽縣在府治東二百里東抵新寧界西抵陀陵  
縣界南抵大江界北抵宣化縣界舊名福利爲西  
原峒地宋置隸遷隆寨元隸太平路 明興因焉

其山曰青山白虎山其川曰馱排江入左江洪武  
初土官黃富歸附授世襲知縣以流官典史

佐之

陀陵縣在府治東一百四十里東抵羅陽縣界西  
抵養利界南抵大江界北抵思同界舊名駱陀爲  
西原農峒地宋置隸古萬寨元隸太平路 明興  
因焉其山曰潯湟山那寔山駝陀山其川曰澗水  
入左江洪武初土官黃富歸附授世襲知縣以流

官典史佐之

思明府古百粵地東抵廣東欽州界西抵交趾界  
南抵思陵州界北抵江州界漢屬交趾郡唐置思  
明州隸邕州宋隸永平寨元改思明路其山曰圓  
剛山風門嶺摩夫嶺其川曰明江有土官黃忽都  
者爲思明總管洪武元年忽都歸附詔改思明路  
爲府錫印授世襲知府設流官同知佐之子廣平  
襲廣平死無嗣弟廣成襲廣成死子瑯襲其庶兄  
瑛亦以捍禦功累遷都指揮使守潯州景泰間瑯  
老以庶子鈞襲嫡子鉢怨間計於瑛瑛欲因而奪

之遣子震僞徵兵於思明夜襲調鉤殺之歸報於  
錄已而又圖奪嫡都御史李堂諺琮錄執之震與  
子紹奔龍州錄死於獄郡人立鈎子道襲琮度不  
得免時 統皇帝在東宮 景皇帝有子曰見濟  
琮遣人入京先賂用事者乃具奏請立見濟爲皇  
太子 景帝大悅時藤峽賊方熾尙書于謙奏令  
琮赴軍前討賊立功琮以功進都督未幾 英皇  
復辟琮自殺命發棺鞭其屍成化年間總督韓雍  
捕震誅之○炎徼紀聞云至今人言易儲事謂肅  
愍公卷舌而不諫殆有甚焉而其子孫作家狀亦

云景皇帝大漸時肅愍草疏請復辟欲上而不果  
是殆爲其祖父文過語正不當以也肅愍豈其憤  
耶所見或有一道焉第大學士陳循因夷酋之議  
而承以爲功肅愍不爲開陳大體何也其後鍾御  
史同章儀制綸廖少卿莊相繼請復儲被杖瀕死  
目之遺烈可勝誅哉

下石西州在思明府治西宋分石西州置屬永平  
寨元屬思明路洪武二年土官官開賢歸附授世  
襲知州以流官吏目佐之

江州古百粵地東抵忠州界西抵龍州界南抵思

明府界北抵太平府界漢屬交趾號江陽宋置江  
州隸古高寨元屬思明路 明興因焉其山曰波  
漢山其川曰綠眉水歸安水入于左江土官黃威  
慶歸附授世襲知州以流官吏目佐之改直隸布  
政司○羅白縣在江州治東北宋建屬遷隆寨元  
屬江州其山曰羅高山其川曰隴東水流入左江  
洪武初土官梁敬賓歸附授世襲知縣敬賓死子  
復昌襲承樂間從征交南被陷于福里襲

利州古百粵地東抵泗城界西抵安隆界南抵田  
州界北抵永寧州界漢屬交趾號阪麗莊宋建利

州隸橫山寨元因爲其山曰白鹿山其川曰叆麗水濛泓水土官岑姓者洪武初納款授知州以流官吏目佐之隸布政司正統間知州岑顏奏本州地二十五里泗城知州岑豹興兵攻占勅廣西總兵官柳溥等及三司御史親詣其地諭以利害令悉還所侵豹不奉命顏復請于朝第行鎮官開諭耳豹終不悛攻殺岑顏及其子得奪去州印遂以流官判官管州事數十年間屢經諸司劾奏移檄遣官督追歷岑應岑接二世如故嘉靖二年田州歸順那地上官岑猛等興兵攻泗城破其州擒岑

接殺之督府遣官按問追出州印覈其宗枝無可  
據者印發賓州貯庫地方兵民歸併泗城州

龍州古百粵地東抵太平府界西抵上下凍州南  
抵思明府北抵安平其山曰馬傾山曰秀嶺其川  
曰龍江漢屬交趾宋置龍州隸太平寨元大德中  
陞州爲萬戶府洪武初土官趙帖堅歸附授世襲  
知州以流官吏目佐之帖堅死無嗣姪宗壽襲已  
而鄭國公常茂以罪謫龍州納帖堅女爲妾檀州  
事茂病卒宗壽以聞有人告茂匿龍州未死者詔  
總兵官楊文征之宗壽赴關伏罪遂罷征宗壽死



子景昇襲景昇死無嗣以叔仁政襲仁政死子南  
傑襲南傑死子源襲源死無子庶兄浦有二子長  
相次楷相當立楷妬之謀岑氏以僕帛隊子璋詭  
云遺腹而岑氏兄子猛方熾楷遂奏言璋實源子  
當立爲相所募事下督府未決璋賂鎮守太監傳  
倫舍人王祥詭云有制猛僞檄調兵二萬人送璋  
入龍州左江大震相挈印奔兕村都御史楊旦討  
璋猛殺之相乃歸相二子長燧次寶相枝柵寶亦  
枝柵相絕愛之曰肖我當立猛乃以寶去髡爲奴  
嘉靖元年相死州人立燧楷弑之州人立其族弟

煖時王守仁提督兩廣幕客岑伯高率用事楷賂伯高言煖非趙氏裔當立者楷也遣上思知州黃熊兆覈之熊兆黨伯高言楷當立以州印畀楷楷遂殺煖大亂州日黃安等潛往田州購寶寶時爲奴湯布家十三年矣安等行百金購得之言之督府都御史林富謂楷勢已張毋待之急乃令楷攝職俟寶長讓之楷復時時謀殺寶富諭楷令以印還寶寶謝以五千金益以腴田三十一村楷計寶弱易與不如徼厚利而徐圖之遂聽命楷復求帝璋之子應育之令往來寶所寶妻黃氏思明府土

官黃朝女也貳於寶而與應通應乃厚結州目及  
遣人伺武州乞兵自樹寶曰荒悍刑姣男子王良  
爲關楮知良恨寶激使內應良許之楮以千人夜  
至寶寢門呼良良開門納楮兵執寶寢所斬之以  
他盜聞應以兵千人桀據州治并結黃朝自援都  
御史蔡經謀副使翁萬達圖之萬達謂楮狙詐不  
可速圖帝應異懷寡慮可旦夕擒斷其中堅然終  
可次第獲督府善之萬達行部至太平使人以  
事召黃朝諭之計論應論死時諸言楮事者故不  
爲理州人大譁萬達愈厚楮時時稱楮勇冠軍可

當一面楷信之遂統精兵千人詣萬達言狀并以  
三十一村地獻萬達留謂旬日楷緩慰弛不爲備  
部兵多以乏糧遣歸萬達召楷及州目鄧瑀等入  
見伏壯士刼之曰汝罪滔天宜自爲計楷死官必  
及汝子可爲書諭汝黨勿亂楷自分必死乃爲書  
諭其黨曰業已如此亂無益也可善輔我子以存  
趙萬達卽杖楷斃之以楷書諭其州人時楷子匡  
時生四年矣立之一州悉定乃以十二戶還龍州  
十八村隸崇善縣○論曰按永樂間三將軍問罪  
安南由龍州度憑祥用柅交人之吭最後安南納

款叩闕謝罪繫繫請命則二州固中國之藩籬亦  
入交之門戶也黎賊父子血染劒鋒莫氏王臣面  
縛道左州無老少能傳其事至于今爲烈哉州與  
交人小有反唇莫不盛舉英國之問罪司馬之受  
降用以屈伏其口彼亦北望鎮南之關如在天上  
豈金湯之是憑殆文武之繫賴耳登昭德之臺者  
其有遐思哉

蘓濬土司志總序曰兩江谿洞舊爲荒服唐太宗  
時諸夷內屬始置羈縻州縣隸於都督府以其首  
領刺史宋參唐制析其種落大者爲州小者爲縣

又小者爲峒推其雄者爲首領籍民爲壯丁以藩  
籬內郡其酋皆世襲分隸諸寨總隸於提舉元豐  
以後峒酋多寄內地納粟授大小使臣或敢詣闕  
陳利害至借補閣職與帥抗禮爲招馬官者尤與  
將領狎子弟有入峒州應舉者招游士多設耳目  
州縣吏移水下已先知之輿騎居室服食擬于公  
侯其州縣雖曰羈縻然租稅不供威令不行寨官  
非惟墮不舉職且日走峒帥之門握手爲市卽提  
舉亦不復威重與之交關通賄其間有自愛稍欲  
振厲諸峒必共汙染之使以罪去甚則酖焉故曰

顯貨則玩玩則無震非虛言已元以左右兩江羈  
縻州縣俱屬南寧帥府分司管轄而上下相通姑  
息在甚我朝受命兩江土酋東泝交關西緣牂  
牁際滇之廣南莫不納土歸款願貢方物恐後  
朝廷第因舊疆稍稍增省置各府州縣其長吏令  
世世相傳諸佐與屬並爲銓才郡有永州有目削  
絕者始以流官代焉大都矜彼歸正恢我包荒繼  
土則受請示則遣令無頗覆轡靡勿絕而已間  
調發勝兵奉檄連伍解嚴還部輕者資文襁重者  
錫冠裳願屯種者予之膏腴且耕且守所以馭諸

舊之法其約束甚堅而緩柔亦備至矣間有桀鰲  
不逞跳梁繩墨猶諄諄文告行其不悛然後加兵  
始以岑氏論如思恩之藩邕州之猛泗城州之應  
州接不數年相繼夷滅其則覆其宗殄其子孫矣  
夫夷俗剽悍如鷙與狼急則相擊爭則相噬天性  
固然但彼既受簪纓撫爵土力足以萌生殺財足  
以養上供養尊處優令諸部落莫敢仰視彼亦視  
中國之予奪爲戚忻榮辱豈願其子若孫中道而  
殄哉故華以夷爲監亦自相監此前事之師已願  
議者謂太平諸夷土陋而兵微一有不逞可更而



其勢甚易若思明田州諸司封疆遠於內地土  
馬靡於近郊其制馭甚難欲稍倣賈生衆建之議  
因其勢而瓜分之斯不亦却顧哉然而未易言也  
西南土司與交州爲隣交人所以俛首頓顙不敢  
窺內地者以土酋兵力之強足制其死命也若自  
弱其兵輕撤其陣恐中國之邊患有甚於土司矣  
夫夷無常順亦無常逆惟視吾馭之何若余觀往  
際國初諸土官奉約束一徵召惟恐不前正統  
以後浸淫桀驁視文告若土苴則馭之得失異也  
國初以重典懲貪人人重自愛故威令易行其後

吏道雜而多端中治武弁視上官爲外府而墨吏  
以漁人收之卽襲一職進一階未有不以賄行者  
故土酋亦輕中國視若無人徵發不以時至擅自  
攻殺無虛日我一有警又不得已藉之爲聲援中  
日積弱夷日益橫如奉驕子養潰癰欲其不決裂  
不可得已昔胡端敏守太平而諸土酋畏之若神  
叩愛之若慈母則馭之道得也夫豈獨太平然哉

廣西名勝志之十

終